

जालोरी रा पीर केवाया ओ,
नाथजी जालोंरी रा पीर केवाया ओ,
शांतिनाथ जी अमर पद पाया ओ,
राज म्हारा पीरजी,
भगतो रे मन भाया ओ राज ॥

गाँव भागली मे जन्म धरायो रे,
रावत सिंह जी एतो पिताजी केवाया रे,
माता सिंगारी केवाया ओ,
पीरजी सखीया वो मंगला गाया ओ,
म्हारा पीरजी ए सत्यलोक सु,
आया ओ राज शांतिनाथ जी,
भगतो रे मन भाया ओ राज ॥

पिताजी तो लेने आया,
गुरूजी रे चरना मे,
केसर नाथजी आगे,
अर्पण कर दीना रे.
ए गुरू काना मे तो कुण्डल पहराया ओ,
गुरूजी भगवा तो भेट पहराया ओ,
म्हारा पीरजी ए सत्यलोक सु,
आया ओ राज शांतिनाथ जी,
भगतो रे मन भाया ओ राज ॥

तन मन धन सु गुरुजी,
सेवा मे रहता ओ,
केसर नाथजी तो,
अमर पद पायो ओ,
पीठाधीश आपने बनायो ओ,
नाथजी भगत घनेरा हर्षाया ओ,
म्हारा पीरजी ए सत्यलोक सु,
आया ओ राज शांतिनाथ जी,
भगतो रे मन भाया ओ राज ॥

गोरक्ष नाथजी अटे,
धूनो रे धुकायो रे,
राजा मान भले,
भगती कमायो रे,
नाथ संप्रदाय आपनाया रे एतो,
नाथ संप्रदाय आपनाया रे,
म्हारा पीरजी ए सत्यलोक सु,
आया ओ राज शांतिनाथ जी,
भगतो रे मन भाया ओ राज ॥

मारवाड़ जालोर माई,
राज थे करायो रे,
बत्तीस चौमासा कर,
जगत जगायो रे,
पग पग परचा दिराया रे नाथजी,
भोला भगता पर महर करायो रे,
म्हारा पीरजी ए सत्यलोक सु,
आया ओ राज शांतिनाथ जी,

भगतो रे मन भाया ओ राज ॥

आप नाथजी म्हारा,
शिव मे समाया रे,
अलख समाधियाँ मे,
आसन धरायो रे,
जोरावर भजन बनायो रे पीरजी,
श्याम पालीवाल गुण गायो रे,
म्हारा पीरजी ए सत्यलोक सु,
आया ओ राज शांतिनाथ जी,
भगतो रे मन भाया ओ राज ॥

जालोरी रा पीर केवाया ओ,
नाथजी जालोंरी रा पीर केवाया ओ,
शांतिनाथ जी अमर पद पाया ओ,
राज म्हारा पीरजी,
भगतो रे मन भाया ओ राज ॥

गायक श्याम पालीवाल जी ।
प्रेषक मनीष सीरवी ।
(रायपुर जिला पाली राजस्थान)
9640557818

Source:

<https://www.bharattemples.com/jalori-ra-peer-kevaya-o-shantinath-ji-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>